

類

焦

類雋卷第二

勾吳虛舟鄭若虛

山東按察司副使古虞百樓鍾

敕

校閱

戶部陝西司主事西蜀少川王用楨

戶部福建司主事古粵礪山鍾

昌

工部營繕司員外四明夢韓張大器

同閱

臨清州知州古完呂珩 校正

太學生汪珙校梓

天文類

雨

**雲下**

釋名云雨水從雲下也

**氣上**

京房易云陰

陽氣上薄爲雨**制陰**潛潭記云陽制於陰故水

爲雨**作霖**

書云用汝作霖雨**生穀**

詩云生我百

穀**神漿**

盧師道云雨者神漿可挹

**委靈**

甘雨濛

濛似露委草則滴瀝**破塊**鹽鐵論云周公之時

雨不破塊**津莖**太平之時津莖潤葉而已

**休徵**

書云時雨若**咎徵**恒雨若**祁祁**詩云興雨祁祁

**崇朝**詩云崇朝其雨**離畢**詩云月離于畢俾滂

沱矣**若濡**易云遇雨若濡**其濛**零雨其濛**作霖**

隤于雨崇朝其雨**離畢**詩云月離于畢俾滂沱  
矣畢西方星名言月離陰星則雨也**若濡**易云  
遇雨若濡**其濛**詩云我來自東零雨其濛**作餅**  
易云雷雨作餅**如暝**詩云風雨如晦鷄鳴不已  
**霑服**春秋說題云諸侯朝天子雨霑服失容則  
止**弗迷**書云納于大麓烈風雷雨弗迷**月額**金  
樓子云旦日雨爲月額雨如織垂絲**雨名**說文  
云雨三日已上曰霖久雨曰霪又曰霪爾雅云  
暴雨曰涷雨時雨曰澍雨雨與雪雜曰霰又纂

要云疾雨曰驟雨徐雨曰零雨雨久曰苦雨亦  
曰愁霖雨晴曰霽雨而晝晴曰啓雨水曰潦雨  
雲曰淦亦曰油雲又荆楚歲時記云春曰榆莢  
雨夏至前曰梅雨六月雨曰濯枝雨八月曰豆  
花雨**雨師**列仙傳云赤松子神農時雨師也又  
風俗通云雨師曰玄冥又搜神記云屏翳爲雨  
師亦曰號屏王逸云屏翳雨師號呼也又遁甲  
開山圖云霍山有雨師雲師雲師如蠶長六寸  
似兔雨師如蝸長七八寸似蛭時出石上人取

熟之甘美可食**雨期**春秋說題云一歲三十六  
雨天地之氣宣十日不雨應天文也十五日大  
雨以斗運也又京房易候云十日一雨歲凡三  
十六雨爲時若喜又歲時記云六月有三時雨  
田家爲甘澤**少女**魏管輅云天將雨則樹上有  
少女風澤龍左太冲云潜龍蟠於沮澤應鳴鼓  
而與雨**商羊**家語云天將大雨商羊鼓舞商羊  
一足鳥見即雨**焦明**樂動聲儀曰焦明至爲雨  
備焦明水鳥也**魚陰**淮南子云天之且雨陰曠

未集而魚已噓謂魚浮口噉水也

**蟻封**

易占云

蟻封穴戶大雨將至

**鵲鳴**

詩云鵲鳴于垤言將

雨也

**鷺飛**

湘川記云零陵山中有石鷺將雨則

飛翔如生

**蜈躍**

淮南子云黑蜈居潛泉將雨則

躍

**鳩婦**

埤雅云鳩陰則屏逐其婦晴則呼之語

曰天將雨鳩逐婦

**浴狶**

相雨書四方斗中俱無

雲惟可有三雲相連如浴狶三日必雨又朝野

僉載云夜半天漢中黑氣相逐俗謂黑猪渡河

雨候也

**覆舟**

京房易飛候云黑氣如覆船於日

下立雨**角聲**武昌記云武昌有龍山如欲陰雨  
上有吹角聲**石穴**南徐州記云郟縣有石穴高  
丈餘容數人天將雨輒雲群行從高來暎山亦  
出雲即大雨也**雨穴**荊州圖賦記云昆陽泉有  
栢枝山石泉名雨穴請輒雨**祭石**荊州記云臨  
賀界有卧石似人而色青黃隱起北鄉若旱祭  
之即雨**張蓋**三水小瀆安定郡有峴陽峯峴上  
有池若雨則雲起池中若車蓋然**宋龜**淮南子  
云朱鼈浮波上必大雨**神龜**羅浮山記云山有



龜淵淵有神龜人穢淵即澍雨**群羊**師曠占云

五卯日候西北有雲如群羊者雨至**石鼓**武昌

記云城西有石鼓山上有三石鼓鼓鳴必雨**漢**

**文**荆楚歲時記云湘東郡新平縣有龍穴天旱

人共過水漬此穴輒雨也**逃雨**文子云若與俗

遇走猶逃雨也無向不濡**鞭石**風上記云夷陵

有陰陽石陰石常潤陽石常燥旱則鞭陰石必

雨雨久鞭陽石則止**壬子**管輅云近壬子日直

滿星中已有水氣是日必雨**甲子**唐朝野僉載

云春雨甲子赤地千里夏雨甲子乘船入市秋  
雨甲子禾頭生耳冬雨甲子鵲巢下地其年大  
水**害****梁**左傳云宋大水魯使人弔之曰天作淫  
雨害於梁盛如之何不弔**梁****梁**述異記云荆人  
久雨梁花爲蠶麥**蠶**晉天文志云梁州十旬雨  
魚麥爲蠶飛**質****魚**五行志云秋雨連月梁質生  
魚伐殷搜神記曰武王伐紂至河上雨甚疾雷  
晦暝揚波於河衆其惧武王曰余在天下孰敢  
干志者風雨立止又云武王伐紂大雨洗兵**討**

**邢**左傳云衛旱卜有事于山川不吉甯莊子曰  
昔周飢克殷而豐年今邢無道欲使衛討邢焉  
從之師興而雨灌壇博物志云太公爲灌壇令  
文王夢婦人路哭曰吾泰山神女嫁西海行必  
以暴風雨灌壇令當吾道不敢過覺召太公語  
之三日果暴風雨**假蓋**家語云孔子將行雨無  
蓋不假蓋於子夏護其短也**期獵**戰國策云魏  
文侯與虞人期獵是日期雨將出左右諫止公  
曰吾與虞人期不可失乃往魏於是始強**稟栗**

鄒子云朱買臣苦修學業不休其家暴栗令守  
之不覺雨漂去**流麥**高鳳讀書不覺大雨至盡  
流其麥**隨車**漢百里嵩爲徐州刺史境旱行部  
傳車所經甘雨輒降**省宛**東觀漢記云永初二  
年三月京師旱至五月和熹鄧太后幸雒陽省  
獄舉寃未還宮澍雨大降**掩骼**謝承後漢書云  
周暢性仁慈爲河南尹夏旱久禱無應因收葬  
洛城傍客死骸骨萬餘應時澍雨**喫酒**晉史云  
柰巴喫酒救成都火災都人聞雨皆作酒氣

**水**

楚國先賢傳云樊英居壺山見暴風起西南

謂學者曰成都市火因含水西向嚙之令記其

時日後人從蜀郡來者云是日大火有雨自東

至

**壺山**

郭林宗雨中行壺其角巾時人效之遂

爲折角巾

**濁澤**

劉仁軌貞觀十四年校獵同州

秋歛未訖仁軌諫曰今茲澍澤霑足百穀熾茂

**霖**

明皇雜錄云上幸蜀還入斜谷霖雨彌旬

於棧道中間鈴聲與山相應上感悼貴妃因採

其聲爲雨霖鈴曲

**梓嶽**

唐書云顏真卿遷御史

使河隴時有冤獄不決天旱真卿辯獄而雨郡  
人呼御史雨壞舍唐史云鄭虔更爲置廣文館  
以爲博士就職久之雨壞廡舍有司不復修完  
寓以國館自是遂廢敗稼唐志云楊國忠他年  
大雨敗稼帝憂之國忠擇善禾以進曰雨不爲  
災不避陸羽與人期雨雪不避雨工異聞集云  
柳毅至涇陽見人牧羊問之曰羊乃雨工也雨  
宜真誥云張元賓得仙入華陽洞爲理禁伯其  
職生水蓋雨官也雨使神異記云西海山有人

乘白馬朱鬣白衣玄冠從十二童子駟馬如飛  
名河伯使者所至處輒大雨**審雨**搜神記云盧  
汾夢入蟻穴見堂宇榜曰審雨堂**雨石**開元遺  
事云學士蘇頲有錦文石筆架天欲雨則津出  
如汗頲以此爲候**濡身**李蕭遠云桑室而洒雨  
者不過濡身**散絲**張景陽云密雨如散絲**可將**  
司馬長卿云甘露時雨厥壤可游**彌天**陸士衡  
云谷風棄條必降彌天之澍**水衣**又云堂上水  
衣生蒼苔也**流根**張士然云春雨潤木自葉流

根諭子孫蒙恩榮先祖也**集** **堯**江文通云水鶴

巢層堯謂鳥將陰雨而鳴**貫秋**又云愁霖貫秋

序言達秋不止歇也**沈稼**陸士衡云沈稼涇梁

潁謂梁潁二地俱浚**化渠**又云通衢化為渠**收**

**潦**宋玉云收潦而水清潦雨水也**九旬**傳咸云

遠寓之多懷兮患霖雨之有經自流火以迄今

歷九旬而無寧**紛射**潘尼云雨紛射而下注潦

波涌而橫流雨水曰潦**塵飛**梁孝元帝云風輕

不動葉雨細未霑衣入樓如霧止拂馬似塵飛



**蔡草**

朱迢云落照依山盡浮涼帶雨來汎沫榮

階草奔流起砌苔

**潤葉**

魏知古云皇遊向落城

時雨應天行麗日登岩逆陰雲出野迎濯枝林

杏發潤葉渚蒲生

**添潤**

唐太宗云和風吹綠野

梅雨洒芳田新流添舊潤宿霧足朝烟

**注溝**

白

樂天云潤氣凝柱礎繁聲柱瓦溝暗流牕不曉

涼引簾先秋

**簾花**

杜甫云深夜沉沉動春

酌燈前細雨簷化落斜影

李嶠云西北雲膏起

東南雨足來靈童出海見神女向山回斜影風

前合圓紋水上開十旬無破塊九土信康哉

雷

**震象**

易云震爲雷朱子云雷震象也

**積風**

物理

論云積風成雷

**潛滋**

穀梁傳云陰陽相感薄而

爲雷激而爲霆

**出入**

前漢五行志云雷于天地

爲長子以其萬物爲出入也雷二月出地百八

十日出則萬物出八月入地百八十日雷入則

萬物入入則除害出則興利人君之象也王充

論衡雷入地則孕毓根莖保藏蟄虫避盛陰之

害出地則養長華實發揚隱伏宣盛陽之德

**號**易云震來虩虩**破山**莊子云疾雷破山**結**

李顥云結隆蒸而成雷**發聲**月令云仲春之月

日夜分雷乃發聲**殷雷**詩云殷其雷在南山之

陽**君象**洪範五行傳云雷君象也出能興利入

能除災**百里**易云震驚百里驚遠而懼邇又論

衡云雷震百里制以萬國故雷聲爲諸侯之政

教**奮鐸**月令云仲春雷乃發聲始電蟄蟲咸動

先雷三日奮木鐸以令兆民曰雷將發聲有不

戒其容止者生子不備必有凶災

**啓發**

西京雜

記云太平之世雷不驚人號令啓發而已

**出地**

易云雷出地奮豫先王以作樂崇德殷薦上帝

**動物**

易云動萬物者莫疾乎雷

**填填**

離騷經云

雷填填兮雨冥冥

**發**

月令纂言云雷者所以

開發萌芽辟除災害萬物湏雷而解

**陽聲**

五行

志云雷者陽聲出非其時臣竊君柄之象

**發榮**

前漢禮樂志云霆聲發榮

**交車**

莊子云陰陽交

爭爲雷

**出火**

劉禹錫云驚雷出火喬木糜碎殷

地燒空萬夫皆廢**不震**春秋元命包云藏冰以

時則雷出不震**必變**論語云迅雷風烈必變**天**

**怒**吳武陵云霆碎電射天怒也不能終朝聖人

在上安有辜世而怒人民邪**天權**柳宗元云雷

霆者天之權**雌雄**天戴禮云正月雉雌震鳴鼓

其翼也正月必雷雷不正聞惟雉聞**軒星**合成

圖云軒轅星主雷雨之神**天鼓**河圖帝通紀云

雷天之鼓也**如歲**國史補云雷州春夏無日無

雷至秋伏地中其狀如歲人皆取食**雷精**論語

說云子路感雷精而生常好對勇**雷神**搜神記

云楊道和夏于田中值雷雨至桑下霹靂下擊之道和以鋤格其肱遂落地不得去色如丹目如鏡毛角長二尺餘狀如六畜頭似彌猴世謂雷神也**雷鬼**五行志云貞元四年宣州大雨震電有物墮地如猪手足各兩指執赤斑蛇食之頃之雲合不復見人謂雷鬼**雷公**王充云雷之狀累累如連鼓形又雷一人若力士謂之雷公使之左引連鼓又手推之**雷穴**酉陽雜俎云

興州一處名雷穴每雷聲水塞穴流魚隨出百

姓每候雷聲繞樹網魚無限金蘭師曠占經云

雷從金門起上田旱下田石室北征云凌雲臺

有白石室名避雷室齊世山海經云掄次之山

有鳥名索芭服其毛羽令人不畏雷窺龍北夢

瑣言云垂龍苦行雨多竄匿爲雷神捕之或在

古木及簷楹之內雷車續搜神記云永和中義

興人姓周永和中出郭日暮見道邊草屋一女

子迎門周求寄宿更許聞外有人呼喚阿香

喚汝推雷車女乃出即驟雨晨視宿處乃一新  
冢又柳公權云元和末有人止建州山寺夜半  
聞門外喧呶聲穴窓窺之有數人連斤造雷車  
如畫圖所見**化雀**尚書中候云秦穆公出狩大  
雷下有火化爲白雀御丹書集公車**擊臺**淮南  
子云齊庶女冤而呼天雷霆下擊景公之臺**晦**  
**冥**漢書云劉媪息大澤中夢與神遇是時雷雨  
晦冥太公往視之則見蛟龍在上巳而有娠遂  
產高祖**然木**西京雜記云惠帝七年夏雷震南



山大木千株皆火然至末其下數畝草木皆焦  
後百餘日人就其間得龍骨一具蛟骨二具

**環**

**家**

後漢書云蔡順母畏雷既葬每雷聲即環

曰順在此太守鄧崇召爲南閭祭酒

**伏墳**

王詔

孝子傳云竺珍字道倫父生時畏雷每至天陰

輒伏墳而泣

**震寢**

後漢書云建和中雷震憲陵

寢室是時梁太后兄典用事

**失箸**

蜀志云曹操

計勇主曰天下英雄唯使君與操耳本物之徒  
不足數也先主方食失匕箸時正雷震備謂操

曰聖人云迅雷風烈必變良有以也**倚柱**漢紀  
云夏侯惇倚柱作書雷擊其柱作書自若**震折**  
世說云郭璞嘗爲王導卦曰公有震厄可命駕  
西出數里當得栢樹截如公長寘寢所災可弭  
數日中果震栢碎**震樹**雜記云劉曜從劉元海  
獵于西山遇雨止樹下迅雷震樹傍人莫不顛  
仆曜神色自若**斃馬**唐史云哥舒曜討李希烈  
有詔督戰曜進次穎橋雷震軍中斃七馬**屋折**  
九國志云柴再用爲先州日大震雷家人皆伏

匪再用當戶坐不動俄見有襦袴四人昇再用  
坐敗床出庭中復大震屋折有龍出**異苑**  
云膝放夏卧雷震其文石枕四解放卧自若**震**  
**指**隋唐嘉話云道宣持律甚嚴忽一旦雷聲繞  
戶不絕宣曰我持律無犯若宿業則不知之乃  
褫三衣戶外謂有蛟螭焉雷復不止宣視右  
手小指有黑子疑之因出手窓隙一震失指

電

**激氣**

淮南子云電激氣也以爲鞭策

**無聲**

春秋

公羊傳云有聲曰雷無聲曰電無傳公孫子云

掣電無停光疾雷無餘聲分爭莊子云陰氣伏

重泉之下上通於天陰陽分爭故爲電殄滅釋

名云電殄也乍見則殄滅也施鞭楊雄云霹靂

列缺吐火施鞭良將抱朴子云良將如收電可

見不可追視日晉史云王戎視日不眩目爛爛

若巖中電列缺張平子云豐隆軒其震霆列缺

曄其照夜注豐隆雷公列缺電也天笑神仙傳

云天公與王女投壺梟而脫誤天爲之笑則電

**舒光**

謝朓云驚電夜舒光

露

**白露**

禮記云孟秋之月涼風至白露降

**晨降**

楚

辭云霧露淙其晨降

**宵寒**

班孟堅云甘露宵零

於豐草

**為霜**

詩云蕭蕭蒼蒼白露為霜

**陽晞**

詩

云湛湛露斯匪陽不晞

**天酒**

瑞應圖云露氣濃

甘者為甘露王者施德惠則甘露降一名膏露

一名天酒又神異記云北海外有人長二千里

日飲天酒五斗

**神漿**

盧思道云神漿可挹流珠

九戶之前軒轅禮斗威儀云君治政則軒轅之  
精散爲甘露天乳列星圖云天乳一星在氐宿  
比主甘露占明潤則降旣濡禮云春雨露旣濡  
君子履之必有休惕之心薤上薤露歌云薤上  
露何易晞厭浥詩云厭浥行露厭浥濕也管茅  
詩云英英白露露彼菅茅桐葉孫子云人生一  
世若朝露之托桐葉綴冠東哲云零露如珠非  
綴冠之飾甘露老子云天地相合以降甘露人  
莫之令而似均又晉書云王者敬養耆老則甘

露降而松柏受之尊賢容衆則竹葦受之

**六氣**

陵陽子云春食朝霞日始欲出赤黃氣也夏食正陽南方日中氣也秋食淪陰日沒以後赤黃氣也冬飲沆瀣北方夜半之氣也并天地玄黃之氣是謂六氣

**如飴**

拾遺記云崑崙山有甘露

色丹著草木皎然如霜雪寶器承之其甘如飴

**如珠**

洞冥記云善飲國人飲丹露云日初出時

有露如珠又江文通云秋露如珠秋月如珪

**鵝**

**鵝**風土記云白鵝性

警至八月露降草葉滴瀝

有聲即鳴蟬飲陰雲云蟬有五德含氣飲露則其清也又曹植云嗽朝露之清流隱柔桑之稠葉**瓊爵**曹植云甘露以降密淳米凝瓊爵是承獻之帝朝**寶瓮**十州記云帝嚳時丹丘國獻瑪瑙瓮以盛甘露舜移寶露瓮于零陵東方朔作寶瓮銘**取露**淮南子云方諸取露於月注云方諸大蛤陰極者**畢勒**洞冥記云畢勒國人長三寸飲丹露爲漿丹露者日初出有露汁如漿也**揭雪**呂氏春秋云和之美者揭雪之露揭雪之



露其色紫**搖山**山海經云諸沃之野搖山之民

飲甘露壽少者亦八百歲**騰文**江文通云露下

地而騰文**凌空**謝希逸云白露凌空素月流天

**淒清**潘安仁云露淒清以凝冷**朝飲**離騷經云

朝飲木蘭之墜露夕食秋菊之落英**仙掌**漢武

故事云帝作承露銅盤上有仙人掌擎玉盃以

取雲表之露**金莖**魏志云明帝鑄承露盤莖長

十二丈立於芳林園甘露乃降**皆雲**洞冥記云

東方朔言臣至東極遇吉雲之國帝曰何謂吉

雲曰國有吉事則雲起五色照人著于草木成

五色露味皆甘**染紅**湘潭記云庶潭露能染紅

**表政**謝承後漢書云沈豐爲零陵太守至官一

年甘露降膏潤草木**感孝**隋書云孝德饒趙郡

栢鄉人性至孝丁父憂單縗徒跣甘露降其樹

**吸花**開元遺事云太真如宿酒初消苦肺熱晨

遊後苑口吸花露以潤肺**灌手**柳宗元傳云宗

元得韓愈所寄詩先以薔薇露灌手然後讀**宮**

**露**吳越春秋云子胥諫吳王怒暮歸子胥舉衣

群臣曰宮中無泥露相君舉衣行高何爲子胥  
曰吾以越諫王不聽吾恐宮中生荆棘露沾吾  
衣**園露**說苑云魯欲伐荆舍人孺子欲諫懷彈  
於後園露沾其衣王曰何苦露沾衣曰螳螂捕  
蟬黃雀欲啄之臣又挾彈欲取黃雀不覺露濕  
衣此窺利而不思後患也**珠網**王簡栖云夕露  
爲珠網**素輝**陸士衡云清露墜素輝注輝爲素  
色也**已圓**江文通云簷前露已圓**又**豔又云露  
彩方泫豔**泥泥**謝玄暉云凝露方泥泥**生**無顏

延年云寢興日已寒露白生庭蕪**夜結**張孟陽

云白露中夜結木落柯條森**靈液**李正封云霏

霏靈液重雲表無聲落沾樹急寒蟬洒池淒

皓鶴**明花**李嶠云滴瀝明花苑威烈泣竹叢王

垂丹棘上珠湛綠荷中夜警千年鶴朝零七月

風頭凝仙掌上長奉未央宮**一滴**韋應物云秋

荷一滴露清夜墜玄天**三天**李義山云仙人掌

冷三天露玉女窓虛五夜風**綴葉**溫嶠云凝花

珠錯落綴葉碧玲瓏**生增**李白云玉堦生白露

夜久侵羅襪**下庭**又云秋露白如玉團團下庭  
綠

霜

**陰氣**

大戴禮曰霜陰陽之本也陰氣勝則凝而

爲霜

**冬令**

春秋考異云霜者陰精冬令也四時

代謝以霜收殺

**氣慘**

釋名云霜者喪也其氣慘

毒物皆喪也

**威殺**

春秋感精符云霜殺伐之表

秋霜降鷹隼擊王者順天行誅以成肅殺之威

**冰至**

易云履霜堅冰至

**地升**

五經通義云寒氣

疑以爲霜從地升也**挫物**孝經援神契云霜以

挫物**露****體**說文云露早霜體霜之白者又有玄

霜**慘****霜**山居記云無養慘霜以殺根菱**夜****寒****辯**

命論云嚴霜夜零蕭艾與芝蘭共盡**殺木**元命

苞云霜以殺木**葛****縹**糾糾葛縹可以履霜**肅****霜**

詩云九月肅霜肅縮也霜降而收縮萬物**始降**

月令云季秋之月霜始降**既降**禮記云霜露既

降君子履之必有悛愴之心**刑表**春秋感精符

云霜者刑罰之表也季秋霜始降鷹隼擊王者

順天行誅成肅殺之威

**豺祭**

月令云霜降之日

豺乃祭獸

**婦功**

家語云霜降而婦功成嫁娶行

馬馬蹄

莊子云馬蹄可以踐霜雪

**鴈來**

詩話云

北方白鴈秋深乃來來則霜降爲之霜信

**駟馬**

國語云駟見而隕霜冬裘具

**豐鍾**

山海經云豐

山有九鍾霜降則鳴

**休工**

禮記云霜降則百工

休言天寒膠漆堅不可爲器故休工也

**覆物**

理論云鴈鵠夜飛以葉覆背避霜

**冰蟻**

拾遺記

云負嶠之山有冰蟻以霜雪覆之然後爲菌

**神**

**鑪**

抱朴子云凝霜雪於神鑪採靈芝於嵩岳夏

**降**

春秋感精符云王者政令苛則夏降霜誅伐

不行則霜不殺草

**甜霜**

拾遺記云周穆王時西

王母貢巖山甜霜

**霜神**

淮南子云青女出以降

霜註青女霜神也又高諺云青女乃青腰玉女

司霜雪者

**附木**

京房易傳云誅不原情則霜附

木不下不教而誅霜在草下

**紫蘂**

湘潭記云鵝

管山霜可染紫為天下冠恨人無知

**紫瓊**

李白

傳云遊慈恩寺寺僧俸牌乞詩白題詩云曾獻



紫瓊霜**不殺**考異記云魯僖卽位隕霜不殺草

臣威彊也**紺碧**拾遺記云廣延國霜露紺碧又

有甘霜**威霜**淮南子云鄒衍事燕惠王盡其忠

貞左右譖之王棄衍乃仰哭感天霜降**履霜**琴

操云尹吉甫信後妻之讒逐子伯竒自傷無罪

清朝履霜乃作履霜操**檻羊**後漢書云光武崩

廣陵王刑作飛書與東海王彊構逆曰寧爲秋

霜無爲檻羊注秋霜肅殺於物檻羊受制於人

**樹介**唐書云寧王憲疾時寒甚凝霜封樹或以

爲春秋雨木冰即此亦名樹介言象介冑也憲  
歎曰此俗謂樹嫁者也諺曰樹嫁達官怕吾其  
死乎**殺棘**唐五行志云元和拾肆年肆月淄青  
隕霜殺惡草及荆棘而不害嘉穀**凝威**陸士衡  
云嚴霜有凝威**夜凝**顧愷之云彫霜夜凝**封條**  
張景陽云霏霜封其條**霜垠**王僧達云仲秋邊  
風起孤蓬捲霜垠**楓丹**謝靈運云曉霜楓葉丹  
夕曛嵐氣陰**擊蕪**江淹云賤臣叩心無霜擊於  
蕪地**王除**曹植云凝霜依王除**孕冷**蘇味道云

金祇暮律盡玉女暝氛歸孕冷隨鍾微飄華逐  
劍飛**點髮**李長吉云吳霜點歸髮身與塘蒲晚  
**霜老**白樂天云鴛鴦瓦冷霜華重**凝銀**鄭谷云  
瓦凍銀成疊林凝玉作圍**結玉**李白云白結梅  
梢玉陰凝竹幹銀**新霜**白樂天云一夜新霜著  
瓦輕芭蕉心折敗荷傾柰寒惟有東籬菊金葉  
初開曉更清**霜砧**杜甫云十暑岷山荔三霜楚  
戶砧

雪

**積陰**

大戴禮云天地積陰溫則爲雨寒則爲雪

**凝雨**

說文云雪者凝雨從霁又沈約云獨有凝

雨姿貞琬而無殉

**水凝**

釋名云雪綏也水下遇

寒而凝綏綏然下也

**陰蓄**

洪範五行傳云雨雪

者陰之蓄積盛甚也

**穀精**

汜勝之云雪爲五穀

之精

**六出**

韓詩外傳云草木花多五出雪花六

出六者陰極之數

**青女**

淮南子云至秋三月青

女乃出以降霜雪

**雪澤**

夏小正云農及雪澤言

雪之澤無高下也

**陰凝**

春秋元命苞云陰凝爲

**雪其滂**

詩云雨雪其滂

**載塗**

雨雪載塗

**紛紛**

詩

云上天同雲雨雪紛紛同雲言雲陰與天同色

**見覲**

詩云雨雪漉漉見覲曰消纂要云日氣曰

**覲**

西京雜記云太平之代雪不封條凌

毒害而已

**呈瑞**

謝惠連云盈尺則呈瑞於豐年

**三白**

朝野僉載云五月三白田公笑赫赫西北

人諺亦曰要宜麥見三白

**地發**

王充云雲霧雨

微也溫則雨寒則雪雨霧凍凝皆從地發不由

天降

**盈尺**左傳云地盈尺爲大雪又春秋考異

云庚辰大雪深七尺**踰丈**謝惠連云**踰**則袁珍  
於陰德**千里**楚詞云層冰峩峩飛雪千里**玄陰**  
司馬相如云時既西夕玄陰晦冥涼風肅然素  
雪飄零**雪神**牛奇章云滕六降雪滕六雪神又  
豐隆青女皆雪神**雪名**爾雅云雪與雨雜下曰  
霰雪花曰霰詩傳云自上而下曰雨雪**青雪**拾  
遺記云廣延國扶桑山常雨青雪冰霜之色皆  
如紺碧**赤雪**晉朝雜事云太康七年河陰雨赤  
雪二頃又唐五行志貞元二年京師赤雪**絳雪**

漢武帝內傳云西王母進上藥有玄霜絳雪**甜**

**雪**拾遺記云周穆王時西王母獻崦州甜雪**宿**

**雪**廣志云雲南郡四五月猶宿雪八月未復**雪**

**山**謝惠連云雪山峙于西域傳云天山冬夏有

雪又云鉢和國大雪山望若銀峯又山海經云

由首山小威山空桑山並冬夏有雪又吐蕃仲

璫云烏海之陰山中盛夏積雪**溉田**西域志云

三月迄九月未嘗雨以雪水溉**田****鼓曲**宋王云

援琴而鼓爲幽蘭白雪之曲**郢曲**宋王云郢善

歌者始爲下俚巴人之曲和者數千中爲陽阿  
採菱和者百人旣而歌陽春白雪和者數人其  
曲彌高其和彌寡**黃竹**穆天子云北風雨雪天  
子遊黃臺之丘駕於革澤日中大寒北風雨雪  
有凍人天子作黃竹詩三章**姑射**莊子云藐姑  
射之山有神人容膚若冰雪**宓妃**曹子建云河  
洛之神名曰宓妃髣髴兮若輕雲之蔽月飄飄  
兮若流風之迴雪又趙飛燕傳臨幸臨幸輕宛轉  
如流風迴雪**馬縮**西京雜記云元封中大雪牛



馬皆蹇縮又杜甫云漢時長安雪數尺牛馬毛  
寒縮如蠟**金羊**廣異記云有積雪久不消掘地  
得金羊王馬高三尺許**深丈**金匱云武王伐紂  
都洛邑未成雨雪十餘日深丈餘**神朝**汲冢周  
書云武王伐紂大雨雪十餘日甲子朝有五車  
騎止王門尚父曰四海神暨河伯來受命**樵哭**  
公孫子云衛君重喪坐見路有負樵而哭者問  
之對曰雪下衣薄衛君懼見於色曰爲君而不  
知民孰以君我乃捐金出粟以賑貧窮**併糧**良

士傳云陽角哀左伯桃相友俱適楚求仕適遇  
雪宿空林中度不得全乃併衣糧與伯桃角哀  
死樹中葬桃至楚語王故王令人往葬角哀乃  
相伯桃**脫裘**晏子春秋云齊景公時雨雪三日  
公被狐白裘見晏子曰不寒晏子曰古之賢君  
飽而知飢暖而知寒公悟乃脫裘發粟與饑寒  
者**歌召**拾遺記云周靈公起昆明之臺召諸方  
士有二人乘飛輦上席酣醉時赤旱一人能以  
歌召霜雪於是引氣一吸雲起雪飛**墮指**匈奴

傳云漢高祖將兵擊匈奴冬天寒雨雪士多墮  
**指救火**高士傳云焦光爲野火燒廬遭大雪火  
止焦卧不移**漢女**漢書云漢女者居東海養姑  
姑女諂之姑徑詣太守請殺之五月下雪**雷雪**  
漢書云蘇武沒蕃卧窖中齧雪與鵲咽之又東  
觀漢記云段熲與虜戰食盡割肉食雪十餘日  
**閑息**趙飛燕別傳云飛燕始居貧與妹合德通  
隣人射雕者露立戶外風雪大作飛燕閑息順  
氣體無軫采射雕者以爲神人**履穿**史云東郭

先生久待詔公車貧困其屢敝不完行雪中足  
盡踐地閑閑袁安傳云安居貧大雪犬餘洛陽  
令過安門徑無行跡謂已死入見安僵卧問奚  
不出安曰大雪人皆乏食不宜干人令賢之遂  
舉爲孝廉鹽絮世說云謝安冬日集兒女講論  
文義俄而雪驟公曰白雪紛紛何所似兄子朗  
兒曰散鹽空中差可擬兄女道韞曰未若柳絮  
因風起訪戴世說云王子猷居山陰大雪中夜  
起四望皎然忽憶戴安道便乘小船泝剡溪訪

之至門而反人問故曰乘輿而來興盡而返何  
必見戴鶴塋王恭傳云恭嘗被鶴塋涉雪行人  
望之謂爲神仙布屑陶侃傳云侃嘗積木屑會  
大雪始霽屣事前濕乃以所積屑布地微薦烈  
女傳云孝廉范逵宿陶侃家時大雪侃毋湛氏  
徹所卧薦剉以銅馬銅駝北京錄云酒泉郡南  
有銅駝山言虜犯者必大雨雪染裳逕遣工取  
之得銅數萬飭玉馬晉書云新蔡王騰發貞定  
縣遇大雪平地數尺其階下不積憚而誦之得

王馬高尺許**抱戈**李愬傳云愬出文城令曰引

而東六十里止大雪天晦凜風偃旗裂膚馬皆

縮慄士抱戈道死者十二三**至靴**韋斌傳云嘗

大雪群臣在廷皆振裾更立斌不徙足雪甚至

靴不失恭**照書**孫氏世說云家貧無膏火常耿

雪照書夜讀**排徑**開元遺事云王元寶每大雪

令僕夫自門基掃雪徑路以迎賓客具宴煖寒

**玉塵**劉惟錄云巴邛人園中兩大楠如三斗盎

剖之每橘二老叟相對象戲一日我輸瀛洲王

塵九斛又何遜云蕭散忽如盡徘徊已復新若  
逐微風起誰言非玉塵韻閣青瑣集云韓愈姪  
湘有仙術愈退朝暇湘嘗種傾刻花上文云雲  
橫秦嶺家何在雪擁藍關馬不前愈未之喻後  
言佛骨貶潮州至藍關遇雪道窮俄人至乃湘  
也始憶花上之句嗟嘆久之爲續其詩韻格詩  
話云或問鄭絳詩思對曰在灞橋中驢子上無  
掃五代史云明宗歲嘗旱已而雪暴至坐庭中  
詔官中無得掃雪曰天以賜我東茶編年錄云

陶穀得黨太尉家姬取雪水烹龍團謂姬曰愛  
家應不識此風味姬曰彼粗人但知于銷金帳  
中唱喫羊羔美酒陶慙其言**立雪**侯師聖云游  
揚初見伊川伊川瞋目而坐二子侍立既覺顧  
謂曰賢輩尚在邪乃出門雪深一尺**麻衣**詩云  
蜉蝣掘閣麻衣如雪**無垠**楚詞云霰雪雰其無  
垠九章**兔園**謝惠連雪賦云梁王不悅游于兔  
園俄而微霰零密雪下**舞素**王韶之云霰先集  
兮雪乃零散輝素兮被簷庭**雪繒**謝惠連云裸



壤垂緇東夷傳裸人國也**賦像**又云值物賦像

仕地班形**成塵**又云旣因方而爲珪亦遇圓而

成璧**度曲**張平子云度曲未終雲起雪飛**朱華**

江文通云南中氣候暖朱華凌白雪言花犯雪

而開也**被皚**陸士衡云凝冰結重澗積雪被長

皚**積素**謝惠連云積素惑原疇積素雪惑亂也

**揣封**馬孝長云冬雪揣封乎其枝揣與園同擁

附也**舞檻**鮑昭云胡風吹朔雪千里度龍山集

君瑤臺乘飛舞兩檻前**雲昏**虞義望云歲杪雲

晝昏玄池冰夜結遠風金河起吹我玉山雪

**翻**

**雲**梁簡文帝云同雲凝暮序嚴陰屯廣隰落梅

飛四注翻雲舞三襲實斷望如連恒分似相及

**總素**任昉云散葩似浮玉飛英若總素東序皆

白珩西澗盡翔鷺

**銀樺**

丘遲云氛氲發紫漢雜

沓被朱城倏忽銀瑩排俄看玉樹生

**連鏤**

裴子

野云飄飄千里雪倏忽度龍沙從雲合且散因

風卷復斜拂草如連蝶落樹似飛花

**花積**

吳筠

云微風搖庭樹細雪下簾隙縈空如霧轉凝階

似花積不見楊柳春徒看桂枝白**王粲**庾肅之  
云百籟哀吟廣莫長輝霰雨馭漉皓雪其霏輕  
質飄飄與風迴散望之凝映皓若天漢即之皎  
潔色踰玉繁**王妃**韓昌黎云白帝盛羽衛髣髴  
振裳衣白霓先啓塗從以萬王妃**瑤域**李華云  
玄冥戒寒海神飛雪瑤域粉野琪樹森列玉宇  
璇階雲門露闕**堯珪**舒先與云宮中有崇閣洪  
觀如堯珪疊瑤出空橫虛**剪水**陸暢云仙人寧  
底巧剪水作花飛**投隙**韓愈云騁巧先投隙潛

光亂入池

**堪畫**

鄭谷云亂飄僧舍茶烟濕蜜酒

歌樓酒力微江上晚來堪畫處漁人披得一簑

歸

**縞帶**

韓愈云隨車懸縞帶逐鳥散銀盃

**麴市**

李義山云有田皆種玉無樹不開花班扇難裁

素曹衣詐比麻鵝歸逸少宅鶴滿令威家寂寞

門扉掩依稀履跡斜人疑迷麴市馬似困鹽車

電

**雨凝**

蔡邕月令章句云雨凝曰電也

**水變**

春秋

繁露云水有變春夏有電

**賈陽**

洪範五行傳云

盛陰雨雪凝滯陽氣薄之不相入則爲霰盛陽雨水溫煖陰氣脅之不相入則爲雹霰陽脅陰也雹陰脅陽也白虎通曰自上而下曰雨雹動羽董仲舒云微動羽則天雨雹轉氣曾子云陽之轉氣爲雹雹者氣化神井陳留風俗記云雍丘縣夏后公祠有神井能興霧雹都泉齊地記云安丘城南三十里雹都泉其雹或出或否亦不爲災流銅涼州異物志云北野有大人偃卧其高如山頂脚成谷橫身塞川近之有尖銅雹

擊人**銷石**歷代紀年云石遵襲位鄴中暴風雨

震雷電如斗金石皆銷月餘乃滅**馬首**漢書云

漢武元封三年冬雨電大如馬首**鷄子**漢書云

宣帝地節四年夏五月山陽雨電大如鷄子深

二尺五寸殺人飛鳥皆死**如卵**唐五行志云乾

符六年五月雨電如鳧卵**折木**孔叢子云永初

年河西縣電如杯棬折木**傷稼**東觀漢記云

韓陵爲下邳令視事未周吏人愛慕時隣縣雨

雹傷稼陵界獨無**大雹**稽神錄云楊行自言天

祐初避暑古城佛寺雨雹方甚忽聞大聲震地  
視門外下一雹街中高廣與寺樓等入地丈餘  
經月乃消

霧

**水溢**

莊子云積水上溢則爲霧

**氣亂**

曾子云陰

陽之氣亂則爲霧

**邪氣**

五行志云霧者百邪之

氣爲陰冒陽本下地而應于天

**陰亂**

五經義云

陰亂則爲霧從地升

**冥冥**

月令仲冬行夏令則

氛霧冥冥

**寒望**

西京雜記云太平之世霧不塞

望浸淫披泊而已**重雨**帝王世紀云凡重霧三日必大雨雨未降其霧不可冒行**多隱**京房易占云雲霧四起則時多隱士**有潤**抱朴子云與善人遊如行霧中雖不濡濕潛自有潤**山崩**龍魚河圖云山東大霧十日已上不除者山崩之候也**歲熟**望氣經云六月三日有霧歲熟**蛇遊**韓子云飛龍乘雲騰蛇遊霧**羣狢**潛潭記云大霧三十日群狢起上下相蒙上少下多故群狢起**晝昏**唐五行志云天寶中霧昏暗十步外不



見人是謂晝昏占曰有破國**不鮮**援神契云霧

連日不解其國昏亂景龍三年十一月甲寅日

入後昏霧四塞經二日乃止占曰霧連日不解

其國昏亂同上**素霧**三水小牘汝南臨汝縣廣

城坡西有小山曰崆洞耆老云若春秋天景晴

麗必有素霧自岩起須臾見粉蝶翔湊樓殿花

木數息中霧勢映漫不復見矣**丹山**十洲記云

丹山銀山並出霧銀山常出素霧**金霧**拾遺記

云平沙千里色如金細如粉風吹起如霧亦曰

金霧

**黃霧**

尚書中候曰桀無道地吐黃霧

**白霧**

伏候古今注云漢元帝竟寧元年大霧樹皆白

**神霧**

陳留風俗傳云雍丘縣有祠名夏后公祠

神非啓靈

**芳靈**

漢武帝故事云武帝葬武陵芳

香之氣異常積於墳埏之間如大霧

**香靈**

唐五

行志云晝霧夜晴臣志得仲

**烟迴**

丘都山川記

云郡西北三十里丹山天晴嶺上忽有霧起迴

轉如烟不過再朝必雨

**如雪**

五行志大曆二年

十一月紛霧如雪

**如泣**

五代史云李業與郭允

明謀殺楊邠等是日無雲而昏霧雨如泣如荷  
王子安城記云新山週迴十里樵人常聞雷聲  
在山下俯看初霧大如扇湏臾震霆彌漫數數  
百里也**三日**帝王世紀云黃帝時大霧三日帝  
游洛水之上見大魚乃得圖書又論衡云東海  
張霸造百雨篇曰伊尹死大霧三日**五里**後漢  
書云張楷字公超好道術能作五里霧隱居弘  
農山中學者隨之所居成市後華陰山中遂有  
公超市也**涿鹿**世紀云黃帝與蚩尤戰于涿鹿

之野蚩尤乃作大霧平城漢書云高祖困於平

城之圍大霧三日肩霧博物志云王肅張衡馬

均同冒重霧行飲酒者無恙飯者疾枵腹者死

**覩天**徐幹云文王遇姜公於渭陽若開霧覩青

天又衛瓘見樂廣曰斯人若水鏡瑩然如開雲

霧而覩青天也還都神仙傳云樂已爲尚書忽

一日大霧坐對不辯失巴所在尋問之已還成

都**失道**英雄記云曹公赤壁之敗至雲夢大澤

遇大霧失道乘龜安成記云縣人謝廩行日暮

路中忽遇雲霧中有人乘龜行凜如神人拜請  
隨去曰汝無仙骨不得俱也

**翳日**

宋書云後漢

正月朝天子臨德陽殿受賀舍利從南方來戲  
於殿前激水化成比目魚跳躍嗽水作霧翳日

**豹隱**

烈女傳陶荅子仕陶三年名譽不興家產

三倍其妻諫曰夫子能薄而官大無功而家昌  
是嬰害積殃也妾聞南山有玄豹霧雨七日不  
下食欲以澤其衣毛成其文章故藏以避害今  
君有此寧不無後患乎

**妖霧**

酉陽雜俎云韓欽

在桂州妖賊封盈能爲數里霧尅期將攻桂州  
有紫氣者我必勝至日果紫氣如疋帛自山亘  
于州城白氣直衝之紫氣遂散天忽大霧至午  
稍開霽樹滴下同入如麥**四塞**五代史云馬希  
聲矯殷令殺高郁是日大霧四塞族恠之曰吾  
常從孫儒每殺不辜天必大霧豈馬步獄有冤  
死乎明日吏以狀白殷撫膺大哭**苦霧**鮑照云  
履嚴苦霧寒霧殺物曰**苦宿霧**陶潛云朝霞開  
**宿霧****拂霧**謝玄暉云拂霧朝青閣**霧散**司馬相

如云垂霧縠

**暗城**

梁元帝云三晨生遠霧五里

暗城閣從風疑細雨映日似游塵乍若輕烟散

時如佳氣新不妨鳴樹鳥時蔽摘花人

**蔽園**

沈

趨云窈鬱蔽園林依霏被軒牖睇霧始疑空瞻

空復如有遊蛇隱遙漢文豹棲南阜旣殊三五

輝逮望徒迴首

**帶樓**

王褒云七條開早陌五里

閣朝氛帶樓疑海氣含蓋似浮雲

**舟迷**

伏挺云

水霧雜山烟冥冥不見天聽猿方村岫聞猿始

知川漁人惑渙浦行舟迷沂汾日中氣靄盡空

水共澄鮮**方雨**李嶠云曹公迷夢澤漢帝出平城類烟飛稍重方雨散還輕

虹

**日氣**考靈曜注云日旁氣白者爲虹**二氣**文子

云天有二氣則成虹地有二氣則洩人有二氣則生病**蜺**詩云蜺在東莫之敢指蜺在東莫之敢指蜺在東莫之敢指也**攻陰**釋名云虹攻也純陽攻陰之氣**陰沴**宋務光云虹霓紛錯陰勝之沴也**依雲**月令章句云虹青赤色常依陰雲見於日衡無雲不見陰



亦不見**生氣**

又云陰陽不和婚姻失序則生此

氣是爲虹霓

**始見**

月令云季春之月虹始見

**斗**

**精**

唐五行志云虹霓者斗之精占曰后妃有主

**陰陽**

春秋元命苞云虹霓者陰陽之精又曰陰

陽交爲虹霓

**罕載**

爾雅云蜺蜺虹也霓雌虹也

一名蜺貳貳蓋言二也

**雙見**

埤邪云虹常雙見

鮮盛者雄暗者雌又云赤白爲雄青白爲雌

**偃**

**寒**

晉天文志云虹霓偃蹇於昊天

**天弓**

白虎通

云天弓虹也亦爲帝弓明爲虹暗爲霓

**紫霓**

太

玄經云紫霓圍日**樞星**春秋運斗樞云樞星散

爲虹霓又河圖稽鈎耀云鎮星爲虹霓**美人**爾

雅云虹璫璫也亦名爲美人又談苑云有夫婦

侵歲菜食而死化成青絲故俗呼虹爲美人**女**

**子**蔡邕云虹霓小人女子之祥也**玉氣**禮記云

玉氣如白虹**冬藏**月令云孟冬之月虹藏不見

**飲澗**筆談云舊聞虹能入溪澗飲水常見夕虹

下澗中飲者兩端皆正澗中人夾澗對立如隔

綃敎東望則見向西則爲日光所燦**化玉**搜神

記云孔子修春秋孝經告備于天赤虹自上而下化爲黃玉上有刻文孔子跪受之**流渚**援神契云大星如虹下流華渚女節意感而生白帝**屬宮**漢書云燕王旦謀反大虹下徧于宮中飲井水竭**天投**漢五行志云靈帝時有黑氣隨溫明殿東如車蓋騰起奮迅身五色長十餘丈狀如龍上問蔡邕對曰此天投蜺也**天使**祥驗集云韋臯鎮蜀嘗燕客暴風雨初霽有虹自空下垂吸筵上食飲且盡紅碧相映韋曰虹霓妖氣

吾切此懼豆盧署曰虹霓天使也降邪則沴降  
正則祥公正人是宜爲慶後句日韋拜中書夢

**升**

華陽國志云李時長子盈少子雄初雄母羅

娘孕雄時夢兩虹自地升天一虹中斷羅曰二

兒有一先亡後者必貴雄後王蜀**流彩**典論云

魏太子造劍名流彩色似彩虹故蘇味道云獨

留長劍彩終負昔賢心

**實日**

鄒陽云荆軻欲往

刺秦王精誠感天白虹貫日

**吐金**

異苑云晉陵

薛願有虹飲其金翕嚮便竭乃吐金滿釜**透城**

黃帝占軍訣云攻城有虹從外入城中從虹攻之勝白虹遶城不匝亦然**貫營**沙沱傳云李嗣昭周德威進屯河中汴將朱友寧以兵十萬壁其南全忠自屯進人皆失色時有虹貫德威營薄壘疾聞晉兵大敗**沒漢**異苑云大原溫湛婢見一姬向婢流涕無孔竅從鼻眼出淚婢駭怖湛抽刀逐之成紫虹長舒上沒霄漢**繞車**吳志云諸葛恪圍新城不克還拜府陵白虹遶其車入**魏**南部新書云潤州大將張子良宅有彩虹

下入甕甕吸水盡又入井飲頃之不見後子良  
歷官方鎮**飲井**漢書云上官桀謀廢昭帝迎立  
燕王時天雨虹下屈官中飲井井水皆竭**丈夫**  
續搜神記云巴丘州吏陳濟妻獨在家常有一  
丈夫儀貌修偉著絳碧袍采色炫耀期之一山  
澗間至於寢處不覺有人道相感接鄰人觀其  
所至輒有虹見**蔽月**晉安記云義熙中七月夜  
彩虹出西方蔽月**橫彩**董思恭云橫彩分長漢  
倒色媚清渠梁前朝影出橋上晚光舒**逸勢**蘇

味道云空因壯士見還共美人沉逸勢含良玉  
神光藻瑞金**絳魚**江淹云紫霧上河絳氛下漢  
**蜿蜒**江文通云中坐瞰蜿蜒虹**梁天**李白云安得  
五彩虹架天作長橋**明江**杜甫云江虹明遠飲  
峽雨帶餘飛**引練**又云川霓引練光**垂江**鄭谷  
云漲江垂蟠鍊**天帔**杜牧之云斷虹天帔垂

霞

**九光**十洲記云朱霞九光又真誥云萬里洞中  
朝玉帝九光霞內宿仙壇**五色**黃庭內景注云

五色流霞未接一身謂日景也**赤氣**河圖云崑

崙山有五色水赤水之氣上蒸爲霞散而成綺

**啟暉**

趙景真云霞啟暉則身疲於遠征**照天**楊

炯云青霞起而照天**照海**元傑云朝霞照海方

錦綺間

**凝霞**

杜陽編云日本國東三萬里有集

真島島上有凝霞藁**蒼霞**韓愈云一旦不辭訣

攝身凌蒼霞**飛霞**又云或瓊室以飛霞**采霞**鄭

注傳云帝因注言即詔神策治曲江作來霞亭

**金霞**

劉禹錫云金霞華於海壖**錦文**木玄虛云



霞錦散文於沙汭之際**霞舉**酉陽雜俎云元宗  
朝李白召見于便殿軒軒若霞舉**晨霞**謝靈運  
云桐林帶晨霞又曹植云仰首漱朝霞**餘霞**謝  
眺云餘霞散成綺**丹霞**選詩曰丹霞夾明月又  
李白云赤霞動金光**雲霞**謝琨云雲霞冠秋嶺  
**飛霞**鮑照云繡甍結飛霞

天河

**金精**漢天官書云漢者金之精氣其本曰水漢  
星多則多水少則旱**水氣**謝箋云天河水氣也

精光轉運于天又揚泉物理論云水之精氣上  
浮宛轉隨流名天河**天潢**史記天官書云漢中  
四星曰天駟傍有八星絕潢曰天潢**潢津**晉天  
文志云天潢起東方經尾箕間謂之漢津**含星**  
左太冲云雲漢含星而光耀橫流**帶天**晉天文  
志云河漢委蛇而帶天**地紀**唐天文志云雲漢  
自坤抵艮爲地紀**雲漢**埤雅云水氣之在天爲  
雲水象之在天爲漢**昭回**雲漢詩云倬彼雲漢  
昭回於天昭回光轉也**銀漢**廣志云天河曰銀

漢又曰銀河亦曰天漢天津絳河明河**河精**河

圖云黃河之精上爲天河**左界**謝莊云斜漢左

界北陸南躔**南轉**抱朴子云天河從北極分爲

兩頭至於南極隨天而轉入地下**斗間**爾雅云

析木謂之津箕斗之間漢津也注箕龍尾斗南

斗**天一**中興天文志云天漢蓋天一所生凝毓

而成**有光**詩云維天有漢監亦有光**河源**又云

天漢天所以爲東南西北之限河漢之源蓋出

於此**引渭**三輔黃圖云秦皇都咸陽引渭水貫

都以象天河**按戶**天戴禮云七月漢按戶按戶

直戶也言正南北也**仙查**博物志云天河與海

通有居海上者歲八月有浮查來不失期因乘

之往至一處有織女一丈夫牽牛渚次飲問之

荅曰君可於蜀中間嚴君平君平曰某年某月

有客星犯牽牛星即此人到天河也**星石**集林

云昔有人尋河源見婦人浣沙問之曰此天河

也乃與石俱歸問嚴君平君平曰此織女支機

石**秋河**謝元暉云秋河曙耿耿寒渚夜蒼蒼**清**

**漢**

選詩云昭昭清漢輝

**九河**

九歌云與女游兮

九河註天河也

**無梁**

陸士衡云怨彼河無梁

**鉤**

**星**

何平叔云列若鉤星在漢註鉤星在河漢中

者**西流**

曹子建云星漢西流夜未央

**遶塞**

杜子

美云明河遶塞微

**南傾**

選詩云招搖西北指天

漢東南傾

**洗兵**

又云安得壯士挽天河淨洗甲

兵常不用

**清淺**

古詩云明河且清淺相去復幾

許

類集卷第二終